

八名普密陀羅尼經

唐三藏法師玄奘奉 詔譯



南無本師釋迦牟尼佛

說明

本繁體校正版《八名普密陀羅尼經》電子書，根據《乾隆大藏經》大乘單譯經，第 0487 部，唐三藏法師玄奘奉詔譯《八名普密陀羅尼經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年三月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

八名普密陀羅尼經

唐三藏法師玄奘奉 詔譯¹

如是我聞：

一時，薄伽梵在室羅筏，住誓多林給孤獨園，與大苾芻眾千二百五十人俱，及無量無數菩薩摩訶薩，并諸天、人、阿素洛等異類大眾，前後圍遶。

爾時，世尊告金剛手菩薩言：「善男子，汝所受持諸上明呪，神用威猛，功業難成。雖後為益，或初暫損。今有八名普密神呪，威德廣大，事業易成。神用祕密，始終無損。能受持者，必獲利樂。當為汝說，汝樂聞不？」

時，金剛手歡喜踊躍，頂禮佛足，右跪合掌，請言：「世尊！唯願為說。」

佛言：「諦聽！極善思惟！吾今為汝分別演說。」

「何謂八名普密神呪？一名功德寶藏；二名莊嚴象耳；三名善勇猛；四名勝諦雲；五名滅²熾然；六名微妙色；七名嚴飾；八名金剛。若有得

¹ 大正藏：大唐三藏法師玄奘奉 詔譯

² 大正藏：成；永樂北藏及龍藏：滅

聞此八名呪，於當來世經七俱胝那庾多百千大劫，不墮地獄、傍生、餓鬼。將命終時，身心安隱，見有諸佛及諸菩薩來現其前，為說大乘甚深法要。既聞法已，必得往生覩史多天奉事彌勒，後隨彌勒下瞻部洲，行願漸增乃至究竟。陀羅尼曰：

「頰𪗇擿界切
已下同 筏𪗇 捺𪗇 竭刺𪗇 蘇謎蘇摩
蘇契 薩縛迦摩婆³ 達泥 呬梨寐梨 薜梨⁴ 薜梨
悉殿都謎薩縛迦摩 娑馱室遮縵怛羅般陀莎訶⁵」

佛說如是普密呪時，八十⁶俱胝諸惡神鬼，皆生歡喜，捨離毒心，歸佛法僧，斷惡修善，俱詣佛所，發誠諦言：「願常護持此大神呪，令受持者身心安樂。」

佛言：「善哉！如汝所願，若有善男子、善女人，歸佛法僧及金剛手，能處閑靜，堅修梵行，親近制多，受持讀誦，所求善願，無不皆得，乃至無上正等菩提。恒憶宿命，無有忘失。」

時，薄伽梵說是經已，金剛手等一切菩薩及諸天、人、阿素洛等，一切眾會，聞佛所說，皆大歡喜，信受奉行。

八名普密陀羅尼經

³ 大正藏：娑；永樂北藏及龍藏：婆

⁴ 大正藏：薜；永樂北藏及龍藏：薜梨

⁵ 大正藏：訶；永樂北藏及龍藏：訶

⁶ 大正藏：千；永樂北藏及龍藏：十

● 結誦儀

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫
迦囉嚩吽

南無本師釋迦牟尼佛 (合掌三稱)

南無金剛手菩薩摩訶薩 (合掌三稱)

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

十方三世一切佛. 一切菩薩摩訶薩. 摩訶般
若波羅蜜.

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

